

仿寒福三記

傷寒論三註序

古稱立德立功立言爲不朽三
盛烈儒者尤戛戛乎其難若吾
友禹載周子不得志於時而能
兼之以法令傳後斯足述矣

禹載昂藏磊落具神仙骨讀等
身書丙戌中副車後屢戰弗克
遂慨然曰昔文正之言將爲我
輩設乎由是以良醫爲已任夫
以慧業文人勵志以攻軒炎何

患不精况九折已經試之輒應
安足爲周子奇以故辛亥之歲
甫至都刀圭所被癘瘵盡平
而聲名藉甚大人先生咸禮重
之余時校書中秘每一聯床未

嘗不惜其才而又喜其道之行
也然猶未得其技之神及乙卯
冬吾兒以傷寒夾他証醫者以
辛熱治而劇又一人以寒涼治
而尤劇幾殆矣乃延周子診之

曰病屬少陽和解足矣他證用法可愈何須藏用三斛火劉寅一壺冰哉投一劑而明旦頌更生余且感且驚曰技至此乎乃知溪交三十餘年文章經術之

間知禹載不盡維時周子曰治
傷寒家苟得長沙宗旨殆恢恢
乎有餘余濡首十年自謂窮其
奧竅雖然莊生有言每至于族
見其難爲益以數年之力闡幽

微顯勒成一書以昭示來茲吾
願畢矣此傷寒論三註之所爲
作也閱八載癸亥書成徵序于
余讀之見其條分縷晰辯証若
燃犀論方如照燭惜不能起長

沙而歎助我也叔和無已而在
當爲弟子列况其他乎原周子
著書之志深惧夫仲景微言自
今而失其傳無以繼往開來而
致天下後世民多寃疾以是寒

羶暑簞腕爲之脫髻爲之霜所
不辭也由斯以談此其德非一

人之德此其功非一人之功洵

不朽盛烈而爲吾儒所難雖不

得於時又何憾耶余故樂爲之

序并其技之神者表而出之以
告同心焉

康熙歲次癸亥端月年家眷弟

徐乾學頓首拜撰



自序

仲景醫中之聖人也。而傷寒病中之劇證也。出聖人之心思。輒欲幹旋陰陽之偏勝。脉理之失調。於是明風寒別六經分營衛。辯內外。因其正之強弱。察其邪之虛實。著論立方。投之無使不中。是誠有得乎造化之原。而深切於致病之由焉。故能起死不

難回生在手。洵大道也。古君子之善學者。每于一事一物之理。必冥思博攷以通其奧。謂必如是而後義精于心。功神于用。否則輒見自以爲能。勢必一阻卽窮其應。況醫道至重。而病情難測。如傷寒者乎。小子

揚俊

最喜醫學。志宗仲景。而南陽之堂。不易登也。于是取叔和之編次。無已之註釋。

及東垣之此事難知。相叅攷者有年。而茫
乎若涉大海。瞑乎閉眼。見暗也。於是請某
先生教。而某先生曰。子何自苦爲。因出全
生集六書。鈐槌活人示余曰。諸書具在。覽
之易曉也。且今之號爲明醫者。不踰此。嗚
呼。予用是滋感矣。吾人讀聖人書。以求有
補於天下。不敢遽云有功。要先自處無過。

乃制方治病。人命攸關。苟非有契于上聖
之一二。敢謂藥人無差失乎。予于是仍誦
仲景經文。雖寒暑無間也。動息不忘也。且
仲景不云乎。余宗族素多。建安紀年以來
未十稔。死亾者三分有二。傷寒居其七。感
往昔之淪喪。傷橫天之莫救。乃勤求古訓。
博采衆方。撰用素問九卷。八十一難。陰陽

大論胎臚藥錄并平脉證辯爲傷寒卒病
論合十六卷。雖未能盡愈諸病。庶可以見
病知源。若能尋余所集。思過半矣。故反復
於喻嘉言之尚論篇。庶幾知營衛表裏之
不同。汗下緩急之各異。豁然心胸。自信有
得。至辛未歲入都。受業于北海林夫子
之門。始授方中行先生條辯一展卷而知

尚論之議。從此脫胎。但其性靈筆快。出其
所思。掩其所自。無怪乎林夫子以僭竊罪
之也。然俊以爲二千年來。得此表章絕業。
例揮義蘊者。誠有一難再因思孔聖之
書。作于春秋。至宋始稱明備焉。苟非周程
張朱數君子相繼而繹註之。譬諸日月當
天。未盡雲霧也。今前有條辯。後有尚論。彼